

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

## **RJEŠENJE**

**Po prijavi koncentracije između privrednih subjekata „Milco“ d.o.o. Laktaši i „21 Maj“ d.o.o.  
Banja Luka**

**Sarajevo, decembar, 2018. godine**



**Broj: UP-02-26-1-030-9/18**  
**Sarajevo, 05.12.2018. godine**

Konkurencijsko vijeće Bosne i Hercegovine je na osnovu člana 25. stav (1) tačka e) i člana 42. stav (1) tačka d), u vezi s čl. 12., 14., 16. i 18. Zakona o konkurenciji («Službeni glasnik BiH», br. 48/05, 76/07 i 80/09), rješavajući po Prijavi koncentracije privrednog subjekta „MILCO“ d.o.o. Laktaši, ulica Nikole Pašića bb. Trn, Laktaši (dalje u tekstu: MILCO ili Podnosilac prijave) kojeg zastupa Bogdan Golubović, advokat iz Banja Luke, ulica Bulevar vojvode Stepe Stepanovića bb., PC Aquarius, 78000 Banja Luka, zaprimljenoj dana 17.09.2018. godine pod brojem UP-02-26-1-030-1/18 na 41. (četerdesetprvoj) sjednici održanoj dana 05.12.2018. godine, donijelo

### **R J E Š E N J E**

1. Ocjenjuje se dopuštenom koncentracija na tržištu trgovine na veliko metalima i metalnim rudama na području Bosne i Hercegovine, koja će nastati sticanjem kontrole privrednog subjekta „MILCO“ d.o.o. Laktaši, ulica Nikole Pašića bb. Trn, Laktaši, nad privrednim subjektom „21. Maj“ d.o.o. Banja Luka, ulica Aleja svetog Save 7, 78000 Banja Luka.
2. Ovo Rješenje o koncentraciji se upisuje u Registar koncentracija.
3. Ovo Rješenje je konačno i bit će objavljeno u «Službenom glasniku BiH», službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće Bosne i Hercegovine (dalje u tekstu: Konkurencijsko vijeće) je dana 17.09.2018. godine pod brojem: UP-02-26-1-030-1/18 zaprimilo, Prijavu namjere koncentracije (dalje u tekstu: Prijava), privrednog subjekta „MILCO“ d.o.o. Laktaši, ulica Nikole Pašića bb. Trn, Laktaši (dalje u tekstu: MILCO ili Podnosilac prijave) kojeg zastupa Bogdan Golubović, advokat iz Banja Luke, ulica Bulevar vojvode Stepe Stepanovića bb., PC Aquarius, 78000 Banja Luka, koja se odnosi na sticanje kontrole nad privrednim subjektom „21. Maj“ d.o.o. Banja Luka, ulica Aleja svetog Save 7, 78000 Banja Luka (dalje u tekstu: 21. Maj).

Uvidom u podnesenu Prijavu Konkurencijsko vijeće je utvrdilo da ista nije kompletna, u smislu člana 30. Zakona o konkurenciji („Službeni glasnik BiH“, br. 48/05, 76/07 i 80/09 - dalje u tekstu: Zakon) i čl. 9. i 11. Odluke o načinu podnošenja prijave i kriterijima za ocjenu koncentracije privrednih subjekata („Službeni glasnik BiH“, broj 30/10), te je Podnosiocu prijave dana 28.09.2018. godine uputilo zahtjev za dopunu prijave broj: UP-02-26-1-030-2/18.

Podnosilac prijave je istu dopunio dana 08.10.2018. godine podneskom broj: UP-02-26-1-030-3/18.

Podnosilac prijave je naveo, u smislu člana 30. stav (2) Zakona da nema namjeru podnošenja prijave predmetne koncentracije drugim tijelima nadležnim za ocjenu iste, izvan teritorije Bosne i Hercegovine.

Nakon analize podnesene Prijave i dopuna Prijave, Konkurencijsko vijeće je dana 23.11.2018. godine aktom broj: UP-02-26-1-030-7/18 Podnosiocu prijave izdalo Potvrdu o prijemu kompletne i uredne prijave, u smislu člana 30. stav (3) Zakona o konkurenciji.

Konkurencijsko vijeće, u skladu sa članom 16. stav (4) Zakona o konkurenciji, je izdalo Obavještenje o dostavljenoj Prijavi broj: UP-02-26-1-030-4/18 dana 13.11.2018. godine (objavljeno dana 15.11. 2018. godine u dnevnim novinama i na web stranici Konkurencijskog vijeća) i pozvalo sve zainteresovane strane na dostavljanje pisanih komentara o namjeravanoj koncentraciji, što se u predviđenom roku nije dogodilo.

Konkurencijsko vijeće je iz Prijave utvrdilo slijedeće činjenice:

Prijava namjere koncentracije je podnesena u smislu i u skladu s članom 16. stav (2) Zakona.

## **1. Učesnici predmetne koncentracije**

Učesnici koncentracije po predmetnoj prijavi su privredni subjekt „MILCO“ d.o.o. Laktaši i privredni subjekt „21. Maj“ d.o.o. Banja Luka.

### **1.1 Privredni subjekt MILCO d.o.o. Laktaši**

Privredni subjekt MILCO d.o.o. Laktaši, sa sjedištem u ulici Nikole Pašića bb. Trn, Laktaši, registrovan je kod Okružnog privrednog suda u Banja Luci pod matičnim brojem: 1-1324-00 i upisanim kapitalom od 104.500,00 KM.

Prema aktuelnom izvodu iz sudskog registra, 100% vlasnik privrednog subjekta MILCO je fizičko lice Bojan Cvijetić iz (..) <sup>\*\*1</sup>.

Osnovna poslovna djelatnost privrednog subjekta MILCO je trgovina na veliko metalima i metalnim rudama.

Privredni subjekt MILCO d.o.o. Laktaši ima registrovanu poslovnu jединicu u Sarajevu pod nazivom „Milco“ d.o.o. Laktaši, PJ broj 1, „MILCO“ Sarajevo na adresi Ulica Azići 20, Sarajevo.

### **1.2. Privredni subjekt „21. Maj“ d.o.o. Banja Luka**

Privredni subjekt „21. Maj“ d.o.o. Banja Luka, sa sjedištem u Banja Luci, ulica Aleja Svetog Save 7a, Banja Luka, registrovan je kod Okružnog privrednog suda u Banja Luci pod matičnim brojem: 57-01-0046-13 i upisanim kapitalom od 2.000,00 KM. Ovaj privredni subjekt je u vlasništvu fizičkih lica Šipka Danice iz (..) <sup>\*\*</sup>, sa 50% udjela i Janjetović Milice iz (..) <sup>\*\*</sup>, sa 50% udjela.

Osnovna registrovana djelatnost privrednog subjekta „21 Maj“ d.o.o. je trgovina na veliko metalima i metalnim rudama.

Prema podacima iz Prijave privredni subjekt „21. Maj“ d.o.o. nema povezanih privrednih subjekata u Bosni i Hercegovini.

## **2. Pravni okvir ocjene koncentracije**

Konkurencijsko vijeće je u provođenju postupka ocjene dopuštenosti koncentracije primjenilo odredbe Zakona, Odluke o utvrđivanju relevantnog tržišta («Službeni glasnik BiH», br. 18/06 i 34/10),

---

<sup>1</sup> <sup>\*\*</sup> Podaci predstavljaju poslovnu tajnu u smislu člana 38. Zakona o konkurenciji

te Odluke o načinu podnošenja prijave i kriterijima za ocjenu koncentracija privrednih subjekata («Službeni glasnik BiH», broj 18/06 i 34/10).

Konkurencijsko vijeće je, na osnovu člana 43. stav (7) Zakona, koristilo sudsku praksu Evropskog suda i odluke Evropske komisije, kao i kriterije i standarde iz Obavijesti Evropske Komisije o izračunu ukupnog prihoda u skladu s Uredbom Vijeća (EEZ) broj: 4064/89 o kontroli koncentracije privrednih subjekata.

### 3. Pravni osnov i oblik koncentracije

Podnosilac prijave kao pravni osnov predmetne koncentracije navodi Pismo namjere potpisano dana 16.08.2018. godine kojim je iskazana namjera privrednog subjekata MILCO d.o.o. Laktaši, kojeg zastupa zakonski zastupnik-direktor Bojan Cvijetić, da kupi cjelokupni osnivački ulog u privrednom subjektu „21 Maj“ d.o.o. u vlasništvu Šipka Danice i Janjetović Milice sa po 50% udjela, a kojeg zastupa zakonski zastupnik-direktorica Šipka Danica.

Nakon dobijanja ocjene o dopuštenosti koncentracije učesnici koncentracije bi zaključili ugovor o kupovini-prenosu osnivačkih udjela u privrednom subjektu „21 Maj“ d.o.o. od strane privrednog subjekata MILCO d.o.o. Laktaši.

U skladu sa navedenim, pravni oblik predmetne koncentracije jeste sticanje kontrole privrednog subjekata MILCO d.o.o. Laktaši nad privrednim subjektom „21 Maj“ d.o.o. kupovinom većine dionica ili udjela osnovnog kapitala, u smislu odredbi člana 12. stav (1) tačka b) pod 1) Zakona.

### 4. Obaveza prijave koncentracije

Obaveza prijave koncentracije postoji ukoliko su uspunjeni uslovi iz člana 14. stav 1) pod a) i b) Zakona, odnosno ako ukupni prihod svih učesnika koncentracije ostvaren prodajom roba i /ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji i da ukupni godišnji prihod svakog od najmanje dva privredna subjekata učesnika koncentracije ostvaren prodajom roba i /ili usluga na tržištu Bosne i Hercegovine iznosi najmanje 8.000.000,00 KM, ili ako je njihovo zajedničko tržišno učešće na relevantnom tržištu veće od 40%.

Ukupni ostvareni godišnji prihodi učesnika koncentracije na dan 31.12.2017. godine iznosili su:

*Tabela 1.*

Red. br.	Naziv privrednog subjekta	Prihod ostvaren na tržištu u BiH izražen u KM	Prihod na svjetskom tržištu izražen u KM
1.	MILCO d.o.o. Laktaši	(..)**	-
2.	21 Maj d.o.o. Banja Luka	(..)**	-

Izvor: Prijava-Finansijski izvještaji privrednih subjekata

Godišnji prihodi učesnika koncentracije predstavljaju ukupne prihode (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekata.

Prema iznesenim podacima (Tabela 1.) učesnici koncentracije ispunjavaju uslov ukupnog godišnjeg prihoda na tržištu Bosne i Hercegovine iz člana 14. stav (1) tačka b) Zakona, te je na osnovu iznesenih podataka postojala obaveza prijave koncentracije.

## 5. Relevantno tržište učesnika koncentracije

Relevantno tržište, u smislu člana 3. Zakona, te čl. 4. i 5. Odluke o utvrđivanju relevantnog tržišta čini tržište određenih proizvoda/usluga koji su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koje to tržište bitno razlikuje od uslova tržišne konkurencije na susjednim geografskim tržištima.

Uzimajući u obzir pretežne registrovane djelatnosti učesnika koncentracije, relevantno tržište proizvoda i/ili usluga u konkretnom slučaju je tržište trgovine na veliko metalima i metalnim rudama.

Konkurencijsko vijeće je utvrdilo da je relevantno tržište predmetne koncentracije u geografskom smislu tržište Bosne i Hercegovine, obzirom da je područje na kojeme učesnici predmetne koncentracije obavljaju svoju poslovnu djelatnost čitava Bosna i Hercegovina.

Slijedom navedenog, pod relevantnim tržištem predmetne koncentracije smatrat će se tržište trgovine na veliko metalima i metalnim rudama na području Bosne i Hercegovine.

### 5.1. Analiza relevantnog tržišta

Tržišna učešća privrednih subjekata učesnika koncentracije kao i njihovih glavnih tržišnih konkurenata na relevantnom tržištu za 2017. godinu:

Tabela 2.

R. broj	Naziv privrednog subjekta	Prihod u KM	Udjel u (%)
1	Emerus d.o.o. Mostar	(..)	(..)
2	EURO-Metali d.o.o. Doboj jug	(..)	(..)
3	<b>MILCO d.o.o. Laktaši</b>	(..)	(..)
4	Saračević d.o.o. Tešanj	(..)	(..)
5	<b>21. Maj d.o.o. Banja Luka</b>	(..)	(..)
6	TREASURE d.o.o. Zenica	(..)	(..)
7	FERO INVEST d.o.o. Zenica	(..)	(..)
8	EVROMIN d.o.o. Banja Luka	(..)	(..)
9	METAL Profil d.o.o. Zenica	(..)	(..)
10	D.O.O. Radcom	(..)	(..)
11	MDM METAL BH d.o.o. Sarajevo	(..)	(..)
12	FAJEM d.o.o. Zenica	(..)	(..)
13	SCO d.o.o. Mostar	(..)	(..)
14	METALVIS d.o.o. Derventa	(..)	(..)
15	Silkway d.o.o. Sarajevo	(..)	(..)
16	B-PROM d.o.o. Gradiška	(..)	(..)
17	IN TIME Zenica d.o.o.	(..)	(..)
18	UNIVERSYS d.o.o. Sarajevo	(..)	(..)
19	ASD GROUP d.o.o. Lukavac	(..)	(..)
20	MINEYA d.o.o. Tuzla	(..)	(..)
21	OZONIK DOO	(..)	(..)
22	Ostali (oko 30 privrednih subjekata)	(..)	(..)

	<b>Ukupno</b>	(..)	(..)
	<b>Ukupno 3+5</b>	(..)	(..)

Izvor:Prijava

Prema podacima iz Tabele 2. privredni subjekat MILCO d.o.o. Laktaši na tržištu Bosne i Hercegovine ima tržišni udio od (..)%, dok privredni subjekt 21. Maj d.o.o. Banja Luka ima tržišni udio od (..)%, na tržištu trgovine na veliko metalima i metalnim rudama u Bosni i Hercegovini. Zajednički tržišni udio koji stječu predmetnom koncentracijom iznosi (..)%,

## **6. Ocjena koncentracije**

Konkurencijsko vijeće analizom relevantnih podataka prikazanih u Tabeli 2., u smislu člana 17. Zakona, ocijenilo je da će se provođenjem predmetne koncentracije povećati tržišni udio Podnosioca prijave na relevantnom tržištu trgovine na veliko metalima i metalnim rudama u Bosni i Hercegovini, ali da neće doći do stvaranja njegovog dominantnog položaja i narušavanja efikasne tržišne konkurencije.

Konkurencijsko vijeće je u toku razmatranja predmetne koncentracije prikupilo potrebne podatke od Podnosioca prijave, te na osnovu istih procijenilo da na relevantnom tržištu postoji značajan broj konkurenata što je pretpostavka djelovanja slobodne konkurencije, te analizom relevantnog tržišta u smislu člana 17. Zakona, ocijenilo da ne postoje pravne i druge zapreke za ulazak drugih privrednih subjekata na relevantno tržište.

U skladu sa navedenim, Konkurencijsko vijeće je utvrdilo da predmetna koncentracija ne sprječava, ograničava niti narušava tržišnu konkurenciju na relevantnom tržištu, te je donijelo odluku kao u dispozitivu ovog Rješenja, u smislu člana 18. stav (2) tačka a) Zakona.

## **7. Administrativna taksa**

Na ovo Rješenje Podnosilac prijave, u skladu sa članom 2. stav (1) tarifni broj 107. tačka d) pod 1) Odluke o visini administrativnih taksi u vezi s procesnim radnjama pred Konkurencijskim vijećem («Službeni glasnik BiH», br. 30/06, 18/11 i 75/18) dužan je platiti administrativnu taksu u ukupnom iznosu od 5.000,00 KM u korist Budžeta institucija Bosne i Hercegovine.

## **8. Pouka o pravnom lijeku**

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Rješenja.

**Predsjednica**

**Adisa Begić**